

新著

東洋史

中學等用
冊下

商務印書館發行

新著世界史


李泰編 第一冊 九角

此書用萬國史
體裁編纂分述
世界各國之政
治文明將中等
學校應講授之
東亞史西洋史
分編敘述全史
爲上古中古近
古近世現世五
期現世史直敘
至太平洋會議
爲止附有彩印
地圖尤裨參證

商務印書館發行

元(1267)

Modern Series
History of Oriental Countries
Commercial Press, Limited
All rights reserved



中華民國十三年六月初版

(中等學校用)

*(新)著東洋史(二冊)

(每冊定價大洋捌角)
(外埠酌加運費匯費)

編纂者 王 桐 齡

發行者 商務印書館

印刷所 商務印書館
上海北河南路北首寶山路

總發行所 商務印書館
上海棋盤街中市

分售處 各省商務印書分館

此書有著作權翻印必究

新東洋史

第三編 近古史

第一期 西北民族第三次侵入中原時代

第一章 回紇之衰亡與黠戛斯之強盛

自來日中則昃。日盈則缺。唐室全盛時代。實在太宗高宗之時。幅隕之廣。逾於兩漢。高宗歿後。皇后武氏專國。廢皇太子。臨朝稱制。任用酷吏。殺戮唐宗室貴戚殆盡。復易唐爲周。自稱皇帝。中國始有女主。開古來政界未有之變局。專制中國二十餘年。內亂時起。唐室大臣張柬之等起兵靖亂。廢武氏。迎中宗復位。反周爲唐。中宗昏庸。尋爲皇后韋氏所弑。玄宗起兵靖難。誅韋氏。以姚崇、宋璟爲相。唐室小康。晚年任用姦臣李林甫、楊國忠。寵幸貴妃楊氏。釀成安史之亂。借名將郭子儀、李光弼之力蕩平之。而河北諸郡。爲安史降將薛嵩、田承嗣、李懷仙等所據。是爲藩鎮割據之始。回紇、吐蕃、南詔等國。乘勢內犯。朔方、隴右、河西、山南、劍南、諸州郡。相繼淪沒。西北民族侵入中國。唐室中衰從此始。漢族勢力。逐漸削弱矣。

第一節 回紇全盛時代

回紇自懷仁可汗在位。略取漠北。建立大國。天寶四年。懷仁殂。子磨延戛立。號葛勒可汗。懷悍善用兵。肅宗時。

助唐討安史之亂。有功。詔冊立爲英武威遠可汗。妻以帝幼女寧國公主。厚遺歲幣以慰撫之。回紇漸自尊大。時略邊地。唐不能禁。

乾元元年。葛勒殂。長子葉護先被殺。次子移地健立。是爲登里可汗。舊唐書作牟羽可汗登里未立時。其父爲之請婚於

唐。肅宗以大將僕固懷恩女妻之。至是立爲可敦。回紇大臣欲以寧國公主殉葬。公主辭以中國禮無之。乃止。

尋以公主無子。聽還中國。代宗寶應元年。登里自將入援。沿路見中國內地丘墟。有輕唐之意。困辱中使劉

清潭。上遣僕固懷恩勞之。登里悅。自陝州濟河。與兵馬元帥雍王适即德宗會。責适不拜舞。鞭殺右廂兵馬使魏

琚。行軍司馬韋少華。進擊史朝義於洛陽。大破之。恢復東京。肆行殺掠。死者萬計。次年正月。始歸國。詔冊爲頡

咄登里骨啜密。施合俱錄。英義建功。毘伽可汗。而封其妻爲娑墨光親麗華。毘伽可敦。已而僕固懷恩叛唐。

誘回紇。吐蕃。吐谷渾。党項。等衆二十餘萬。連兵入寇。至涇陽。關內副元帥郭子儀出見回紇。責以大義。說使襲

吐蕃。破之。吐蕃自是與回紇爲怨敵。大歷三年。回紇可敦卒。詔冊僕固懷恩幼女爲崇徽公主。妻登里。回紇益

驕。連年與唐互市。每一馬易四十緡。動至數萬匹。馬皆鶻瘠無用。朝廷苦之。所市多不能盡其數。回紇待遣繼

至者。常不經於鴻臚。留京師者常千數。商胡僞服而雜居者倍之。縣官日給饔飧。殖貨產。開第舍。市肆美利皆

歸之。日縱橫。吏不敢問。

大歷十四年。西歷紀元七十九年代宗崩。德宗立。登里欲乘喪入寇。其相頓莫質力諫。不聽。怒弑之而自立。是爲合骨

陸毘伽可汗。貞元三年。西歷紀元七八七年遣使獻方物。請種親。德宗方患吐蕃爲寇。用宰相李泌策。欲結回紇爲援。許之。册合骨咄陸爲汨咄祿長壽天親毘伽可汗。以咸安公主妻之。回紇請改號曰回鶻。詔從其請。次年。天親殂。子多邏斯立。詔册爲愛登里邈汨沒密施俱錄毘伽忠貞可汗。

第二節 回紇衰亡時代

初回紇風俗樸厚。君臣之等不甚異。故衆志專一。勁健無敵。及有功於唐。賂遺極厚。登里自尊大。始築宮殿。婦人有粉黛文繡之飾。唐爲之虛耗。而回紇風俗亦漸流於奢侈。吐蕃與回紇有怨。屢侵其地。回紇屬部有沙陀者。西突厥別種也。居蒲類海。今新疆迪化道哈密縣北之巴里坤湖東。兵馬強壯冠諸部。憤回紇衰歛。遂附吐蕃。吐蕃併其兵。大破回紇。回紇大恐。稍南其部落。以避吐蕃。時唐德宗貞元六年。西歷紀元七九〇年也。

是歲。忠貞可汗爲少可敦葉公主所毒死。其弟自立。國人討殺篡者。而立忠貞幼子阿啜。遣使來告哀。詔册爲奉誠可汗。十一年。西歷紀元七九五年奉誠殂。無子。國人立其相骨咄祿爲可汗。告哀於唐。詔册爲愛騰里邈羽錄沒

密施合胡祿毘伽懷信可汗。懷信本姓跌跌氏。數將兵有功。爲諸酋所畏服。故得立。順宗永貞元年。西歷紀元八〇〇年

五。殂。詔册其嗣位者爲騰里野合俱錄毗伽可汗。憲宗元和初。再朝獻。始以摩尼至。是爲摩尼教輸入中國之始。三年。西歷紀元八〇八年騰里殂。詔册其嗣君爲愛登里囉密施合毗伽保義可汗。屢遣使來乞婚。上以勞費不許。

穆宗長慶元年。西歷紀元八二一年保義殂。詔册其嗣君爲登囉羽錄沒密施句主毗伽崇德可汗。復遣使來請婚。詔

以帝妹太和公主妻之。四年。西歷紀元八二四年。崇德殂。其弟曷薩特勒立。詔冊爲愛登里囉汨沒密施合毗伽昭禮可汗。文宗太和六年。西歷紀元八三二年。昭禮爲其下所殺。從子胡特勒立。詔冊爲愛登里囉汨沒密施合句錄昆伽彰信可汗。開成四年。西歷紀元八三九年。其相掘羅勿作難。引沙陀共攻彰信。彰信自殺。國人立廬駁。蘇合切。特勒爲可汗。自忠貞以後。國多內亂。勢漸衰。至廬駁在位。頻年飢疫。又大雪。羊馬多死。渠長句錄莫賀與黠戛斯合騎十萬來攻。殺廬駁及掘羅勿。焚其牙。諸部皆潰。其相駁職與彪特勒十五部。西奔葛邏祿。殘衆南入吐蕃安西。可汗兄弟嚙沒斯。及其相赤心。那頡駭。各帥其衆來降。時開成五年。西歷紀元八四〇年也。次年。可汗牙部十三姓。奉烏介特勒爲可汗。南保錯子山。

第三節 黠戛斯之民族風俗及物產

黠戛斯 Kirghiz Kirgises 者。在伊吾之西。焉耆之北。今俄領西伯利亞伊爾庫次克 Irkutsk 省即古之堅昆。唐初結骨也。直回紇西北三千里。南依食漫山以居。其地夏沮洳。冬積雪。人皆長大。赤髮。皙面。綠瞳。以黑髮爲不祥。衆數十萬。勝兵八萬。其族男少女多。以環貫耳。俗趨仇。男子有勇。黥其手。女已嫁。黥其項。其俗雜居多淫佚。謂歲首曰茂師哀。以三哀爲一時。以十二物紀年。氣多寒。雖大河亦半冰。稼有禾粟。大小麥。青稞。步磴以爲麪。有糜稌。以三月種。九月穫。以爲飯。以釀酒。而無果蔬。畜馬至壯大。以善鬪者爲頭馬。有臺駝牛羊。牛爲多。富農至數千。其獸有野馬。骨咄黃羊。羆。羆。鹿。黑尾。黑尾者似麋。尾大而黑。魚有蔑者。長七八尺。莫痕者。無骨。口出頤下。鳥有鴈。鶻。烏鶻。

鷹隼。木有松樺榆柳。松高者仰射不能及顛。而樺尤多。有金鐵錫。每雨俗必得鐵。號迦沙。爲兵絕犀利。常以輸突厥。其戰有弓矢旗幟。其騎士析木爲盾。蔽股足。又以圓盾傳肩。可捍矢刃。其君曰阿熱。遂姓阿熱氏。自稱漢將李陵之後。服貴貂狎。阿熱冬帽貂。夏帽金釧。銳頂而卷末。諸下皆帽白氍。喜佩刀礪。賤者衣皮不帽。女衣毳毼。錦繡綾。蓋安西北庭大食所貿售也。阿熱駐牙青山。周柵代垣。聯氈爲帳。號密的支它。首領居小帳。凡調兵諸部役屬者悉行內貂鼠青鼠爲賦。其官宰相、都督、職使、長史、將軍、達千、六等、宰相七、都督三、職使十。皆典兵。長史十五。將軍達千無定員。諸部食肉及馬酪。惟阿熱設餅餌。樂有笛鼓笙簫栗盤鈴。戲有弄駝師子馬伎繩伎。祠神惟主水草。祭無時。呼巫爲甘昏。嫁納羊馬以聘。富者或百千計。喪不槨而三環尸哭。乃火之。收其骨。逾歲乃葬。冬處室。木皮爲覆。其文字言語與回紇同。法最嚴。臨陣逗撓。奉使不稱。妄議國是。及竊盜。皆斬。其國東接骨利幹。南吐蕃。西南葛邏祿。其都城青山。去回紇牙囊駝行四十日。

第四節 黠戛斯之勃興與回紇之淪滅

黠戛斯始隸突厥。突厥以女妻其酋。突厥亡後。隸薛延陀。薛延陀以頡利發一人監其國。太宗貞觀二十二年。大兵讎滅薛延陀。鐵勒諸部俱請吏奉貢。黠骨亦遣使者獻方物。其酋長俟利發失鉢屈阿棧身自入朝。願得持笏。詔以其地爲堅昆都督府。拜阿棧都督。隸燕然都護府。高宗中宗玄宗之世。屢來朝。朝廷以其國與皇室同宗。特加優禮。肅宗乾元中。爲回紇所破。不能復通中國。後狄語訛爲黠戛斯。蓋回紇謂之若曰黃赤面云。

黠戛斯既爲回紇所破。乃稱臣於回紇。又與大食、吐蕃、葛祿交通。借以牽掣回紇。吐蕃、回紇常賂遺之。假以官號。回紇既衰。阿熱始自稱可汗。回紇遣宰相擊之。連兵二十餘年。數爲所敗。及掘羅勿弒彰信可汗而立廬駁。國內亂。黠戛斯乘釁大舉攻之。焚其牙。殺廬駁及掘羅勿。并得太和公主。阿熱自以身爲宗室。遣使者達千奉公主還朝。回紇烏介可汗邀擊達千。殺之。却留公主。南度磧。屯天德軍境上。朝廷遣使慰問太和公主。并賜烏介米二萬斛。喻以宣帥部衆。漸復舊疆。烏介不奉詔。南侵緣邊諸州。武宗會昌三年。河東節度使劉沔大破之於殺胡山。古豐州境在今大同縣西北四百五十里烏介北遁。沔迎公主還京師。

阿熱既破回紇。遂徙牙牢山之南。牢山亦曰賭滿距回紇舊牙馬行十五日是年。遣使來獻馬。并求冊命。詔太僕卿趙蕃往安撫之。

賜以詔書。令修臣子禮。并速平回紇及黑車子。室韋別種乃行冊命。又詔阿熱著宗正屬籍。阿熱欲乘秋高馬肥擊

烏介。上書朝廷請會師。詔以給事中劉濤爲巡邊使。勒兵應之。而遣右散騎常侍李拭使黠戛斯。冊拜阿熱爲宗英雄武誠明可汗。未行而武宗崩。宣宗嗣位。勅使中止。至大中元年。始詔鴻臚卿李業持節。冊拜阿熱爲英武誠明可汗。自是以後。至懿宗咸通間。凡三來朝。然卒不能滅回紇。後之朝聘冊命。則史書失傳矣。

初。烏介既爲劉沔所破。收餘衆數千人。往依黑車子。會昌六年。西歷紀元八四六年國相逸隱殺之於金山。立其弟特勒遏捻爲可汗。率殘部五千人。仰給於奚會傾舍朗。宣宗大和初。盧龍節度使張仲武擊奚。大破之。遏捻無所得食。部衆日益耗散。所存貴臣以下。不滿五百人。依於室韋。次年正月。室韋使者入賀。途經幽州。仲武使歸。

取遏捻等。遏捻聞之。大懼。夜與妻子等以九騎西走。室韋分其餘衆。黠戛斯遣兵擊室韋。大破之。悉收回紇餘衆歸磧北。回紇嫡系由是遂亡。時大中二年。西歷紀元八四八年也。

回紇雖亡。其別部龐特勒先在安西。亦自稱可汗。居甘州。總磧西諸城。種落微弱。時入獻見。朝廷屢遣使冊封之。皆以道途阻塞。不果。經五代至有宋初年。常與中國交通不絕。西夏勃興以後。襲取甘州。回紇徙據玉門關以西。與西夏對峙。遼室西遷以後。隸屬於遼。蒙古西征。降於蒙古。稱畏兀兒國。傳至明初未絕云。

回紇世系表 姓藥羅葛氏。自時健起。始爲酋長。至吐迷度。始稱可汗。至骨力裴羅。國始強大。傳十五世。至奉誠可汗。而系絕。跌跌氏繼之。復傳九世。至特勒遏捻。爲黠戛斯所滅。兩系共傳二十四世。二百餘年。

(一) 時健 藥羅葛氏

(二) 活頡利發菩薩

烏羅渾

(三) 瀚海都督吐迷度

烏紇

(四) 婆閭

(五) 比栗

(六) 獨解支

(七) 伏帝伺

(八) 承宗

(九) 瀚海府司馬護輸

承宗族子

(十) 骨咄祿毗伽闕懷仁可汗骨力裴羅

司空忠義王太子葉護

(十一) 葛勒英武威遠毗伽可汗磨延啜

娑墨光親麗華毗伽可敦僕固氏

懷恩女

寧國公主

(十二) 登里(牟羽)可汗移地健

崇徽公主僕固氏

懷恩幼女

(登里從父兄)

(十三) 長壽天親毗伽可汗頓莫賀

(十四) 忠貞可汗多羅斯

(十五) 奉誠可汗阿啜

咸安公主

少可敦葉公主僕固氏

懷恩女孫

(十六) 懷信可汗骨咄祿

跌跌氏

(十七) 騰里可汗

(十八) 保義可汗

(九) 崇德可汗

(廿) 彰信可汗

(廿一) 廕駟特勒

太和公主

(三) 昭禮可汗

(廿二) 烏介特勒

(廿三) 特勒遏捻

第二章 吐蕃之末路

隋唐之間。佛教文明。異常膨脹。東亞各國。除去北荒以外。皆入佛教勢力範圍。願佛教輸入日本。而日本漸開明。輸入吐蕃。而吐蕃反削弱。適宜於半開化之民族。不適宜於未開化之民族。適宜於文教萌芽之民族。不適宜於武力猖獗之民族。同一佛教也。受其影響者。可以興。可以衰。可以存。可以滅。其結果千差萬別。不可思議。

豈佛教對於各民族有所厚薄歟。抑亦橘生江南爲橘。生江北爲枳。非其物原始本有不同。亦視承受之者之吸收力及同化力爲如何耳。知此者可與論吐蕃之盛衰。

第一節 吐蕃全盛時代

吐蕃自棄宗弄讚在位。輸入印度及中國文化。國勢漸強。中宗時。鄯州都督楊矩。以河西九曲地與吐蕃。吐蕃借爲根據地。東下之勢日亟。玄宗開元年間。屢寇隴右。河西。安西。北庭州郡。邊將禦之。互有勝負。西方爲之凋弊。開元十八年。吐蕃上書乞和。詔遣忠王友皇甫惟明報聘。贊普上書謝罪。求毛詩。春秋。禮記。仍祈互市於赤嶺。在石堡城西距長安三千里。土石皆赤。故曰赤嶺。二十一年。復由金城公主上書。請立碑於赤嶺。以分唐與吐蕃之境。詔並從之。兵禍稍戢。

二十五年。吐蕃攻西域屬國勃律。勃律遣使來告急。詔河西節度使崔希逸。襲吐蕃東境。以分其兵勢。破之於青海西。由是邊釁復起。天寶十二年。西歷紀元七五三年。吐蕃贊普乞黎蘇籠臚贊殂。子朶悉籠臚贊立。遂乘唐有安史之亂。蠶食河隴諸郡。先是唐自武德以來。開拓邊境。地連西域。皆置都督府。開元中。置朔方。隴右。河西。安西。北庭諸節度使以統之。歲發山東丁壯爲戍卒。繕帛爲軍資。開屯田。供糗糧。設監牧。畜馬牛。軍城戍邏。萬里相望。及安祿山反。邊兵精銳者徵發入援。謂之行營。留兵單弱。數年之間。胡虜蠶食。自鳳翔以西。邠州以北。皆爲左衽矣。代宗廣德元年。吐蕃率吐谷渾党項氏羌二十餘萬衆。深入爲寇。入大震關。即隴關。在今陝西關中道醜縣。即故鳳翔府隴州西。

七十 里。七 十 里。 陷蘭、鄆、河、鄯、洮、岷、秦、成、渭等州。盡取河西隴右之地。進窺關中。帝出奔陝州。衣冠皆南奔荆襄。吐蕃入長安。縱兵劫掠。立宗室廣武王承宏爲帝。留京師十五日。聞郭子儀將大軍且至。始退。屯原會成渭間。尋復轉鋒南下。陷劍南西山諸州。於是陝西四川西境。無險可守。自此連年東下。關內、朔方、西川境內。同時被兵。唐室禦寇不暇。大歷八年。宰相元載奏請城故原州城。今甘肅涇原扼隴山口。當吐蕃東下之路。不聽。吐蕃屢寇涇原。今甘肅涇原道邪寧。今陝西關中靈武。今甘肅寧夏道三鎮屬鄯。烽火達於長安。京西節鎮。星羅棋布。到處設防。吐蕃聲東擊西。荏苒十年。唐室卒無勝算。

德宗卽位。欲以德懷柔吐蕃。歸其捕虜五百人。先後遣太常少卿韋倫、殿中少監崔漢衡等出使吐蕃。吐蕃遣使報聘。結盟修好。是時吐蕃大將尙結贊、總東方兵柄。朱泚之亂。尙結贊遣都將論莽羅依助大將軍渾瑊擊泚將韓旻有功。要求割讓安西、北庭之地。以爲報酬。散騎常侍李泌謂「二鎮人性驍悍。控制西域五十七國。及十姓突厥。又分吐蕃兵勢。使不得併力東下。且勢孤地遠。盡忠竭力。爲國家固守近二十年。一旦棄之以與戎狄。彼其心必深怨中國。他日從吐蕃入寇。如報私仇矣。」力勸上勿許。從之。尙結贊計不得逞。乃大舉寇涇。今涇原道隴、邪。今關中隴、邪。今隴縣寧、夏。二州俱在銀、麟。二州俱在涇川縣。詔鳳翔節度使李晟、河東節度使馬燧、河中節度使渾瑊等分道拒之。屢屢戰有功。尙結贊惡之。乃縱反間計。離間晟。入鳳翔境。焚虜掠。以兵直抵城下。曰「李令公召我來。何不出犒我。」經宿而退。又以羊馬多死。糧運不繼。乃退屯鳴沙。縣名故城在今寧夏道中

遣使卑禮厚幣。求和於燧。燧信其言。爲之請於朝。是時鎮海節度使韓滉入朝。請城故原。今固原縣。鄯縣。今西寧縣。洮山。今通渭縣。即渭。今渭川道。四州。使晟與劉玄佐等。將重兵守之。經略河湟。上欲從之。會滉薨。宰相張延賞與晟有隙。數言和親便。上亦素恨回紇。欲與吐蕃擊之。遂從延賞議。罷晟兵柄。從吐蕃請。以渾瑊爲會盟使。盟於平涼。

吐蕃劫盟。唐將卒死者甚多。瑊僅以身免。副使崔漢衡以下皆被執。瑊副將駱元光韓遊瓌整陣禦之。虜追兵始退。兩國交惡益甚。尙結贊復以計離間馬燧。上怒。罷燧兵柄。會張延賞卒。李泌爲相。始建議屯田京西。欲逐漸恢復府兵舊制。復建議聯絡回紇。大食。雲南。結攻守同盟。夾攻吐蕃。計劃得手。着着成功。蕃禍漸有轉機矣。

第二節 安西北庭之淪陷

先是吐蕃陷河隴。伊西北庭節度使李元忠。四鎮留後郭昕。帥將士閉境拒守。數遣使奉表。皆不達。聲問絕者十餘年。德宗建中二年。始遣使問道自回紇中來。上嘉之。進二人爲大都護。皆賜爵郡王。吐蕃連年東侵。懼二鎮牽掣其兵勢。屢攻之。不下。二鎮與回紇連和。借爲交通要道。回紇求取無厭。北庭與之接壤。尤患苦之。沙陀別部六千帳與北庭相依。亦厭虜哀索。密附吐蕃。貞元五年。吐蕃因沙陀兵共寇北庭。回紇大相頡干伽斯將兵救之。與吐蕃戰。不利。吐蕃急攻北庭。北庭人叛。與沙陀酋長朱邪盡忠皆降吐蕃。節度使楊襲古率麾下二千人奔西州。次年。頡干伽斯悉衆數萬。召襲古將復北庭。與吐蕃戰。敗績。襲古收餘衆數百。將還西州。頡干伽斯誘而殺之。安西由是遂絕。莫知存亡。吐蕃兵力。威壓天山南北路。中亞唐室之聲靈。從此盡矣。時貞元六年。

西歷紀元七九〇年也。

第三節 吐蕃衰亂時代

是時回紇與唐修好。屢助唐敵吐蕃。而西南方面。唐兵逐漸得勢。先是雲南降吐蕃。吐蕃資其兵寇西川。劍南騷動。貞元三年。西川節度使韋皋招撫雲南。雲南遣使入見。吐蕃發兵十萬寇西川。亦發雲南兵。雲南內雖附唐。外未敢叛吐蕃。亦發兵數萬屯瀘北。皋乃爲書遣雲南王。敍其歸化之誠。轉致吐蕃。吐蕃始疑雲南。遣兵屯會川。今建昌道會理縣。卽故寧遠府會理州。以塞其趨蜀之路。雲南怒。歸唐之志益堅。貞元十年。雲南王異牟尋大破吐蕃兵。遣使來獻捷。吐蕃屢攻靈鹽。朝廷詔韋皋出兵。深入吐蕃。以分其勢。皋在鎮二十一年。屢戰屢勝。復雋州。攻維州。擒吐蕃大將論贊熱。論莽熱等。吐蕃兵不得志於西川。乃益轉鋒北下。侵略朔方涇原。屢破中國兵。朝廷爲之肝食。憲宗元和三年。沙陀來降。吐蕃兵勢益弱。彝泰贊普名可黎可足。八在位。病不事事。委政大臣。國勢益衰。穆宗長慶二年。遣使來請和。朝廷以大理卿劉元鼎爲吐蕃會盟使。入蕃蒞盟。建和盟碑於國都邏娑。彝泰在位二十餘年。僅能自守。不復來侵。

文宗開成三年。西歷紀元八三八年。彝泰殂。弟達磨立。荒淫殘虐。國人不附。災異相繼。吐蕃益衰。武宗會昌二年。西歷八四二年。達磨殂。無子。先是達磨有佞幸之臣以爲相。至是佞相立其妃緜氏兄尙延力之子乞離胡。年甫三歲。佞相與緜妃共制國事。首相結都那不服。佞相殺之。夷其族。國人憤怒。洛門川討擊使尙恐熱。姓末名。唐力。悍忍多詐。

以誅繇妃佞相爲名。與青海節度使同盟舉兵。自稱國相。大破其國相尙思羅兵。屠渭州。思羅發蘇毗、吐谷潭、羊同等兵八萬人。保洮水。焚橋以拒之。恐熱招降諸部。思羅西走。追殺之。盡併其衆。合十餘萬。於是吐蕃東部霸權。一時歸於恐熱。吐蕃鄯州節度使尙婢婢。姓沒盧名贊心。牙羊同國人。世爲吐蕃相。好讀書。不樂仕進。國人敬之。年四十餘。彝泰贊普彊起之。使鎮鄯州。婢婢寬厚沈勇。有謀略。訓練士卒多精勇。恐熱謀篡國。恐婢婢襲其後。舉兵擊之。婢婢遣使卑禮厚幣犒師。恐熱大喜。引兵歸屯大夏川。婢婢遣兵襲擊。大破之。恐熱走保薄塞山。自是以後。二將時常構兵。恐熱殘虐。河西隴右大遭屠掠。婢婢傳檄河湟。數恐熱殘虐之罪。且曰。『汝輩本唐人。吐蕃無主。則相與歸唐。無爲恐熱所獵。如狐兔也。』於是河隴州郡相繼風靡。宣宗大中三年。吐蕃秦、原、安樂、等三州。木峽、石門、驛藏、制勝、石峽、六盤、蕭關、等七關。皆在今涇原道內。故平涼府境內。來降。詔涇原及六關靈武、樂州、鳳翔、等州。取秦邪寧、取蕭等鎮出兵接應。王師克復河湟。沙州。今安肅道安西縣。即故安西州。漢族張義潮。陰結豪傑。逐吐蕃守將。發兵略定其旁瓜、伊、西、甘、肅、蘭、鄯、河、岷、廓、十州地。遣其兄義澤奉十一州圖籍入見。詔置歸義軍於沙州。授義潮節度使。以所略定之州隸之。吐蕃將尙延心以河渭二州部落來降。詔授延心河渭都遊奕使。使統其衆居之。復置天雄軍於秦州。以成、河、渭、三州隸焉。義潮尋克復涼州。西川節度使遣兵取維州。恢復西山諸州縣。是時尙婢婢已卒。其將拓跋懷光代領其衆。稱臣於唐。懿宗咸通七年。西歷紀元八五六年。斬尙恐熱。傳首京師。吐蕃自是衰絕。乞離胡君臣不知所終。河隴及劍南西山舊地。復爲唐有。

吐蕃世系表 姓勃宰野氏。自癩悉董摩始見史冊。至棄宗弄贊國始強大。傳十七世至達磨而系絕。緡氏之乞離胡繼之。國遂衰。不能復通於中國云。

(一) 癩悉董摩 — (二) 陀士度 — (三) 揭利失若 — (四) 勃弄若 — (五) 詎素若

(六) 論贊素 — (七) 棄宗弄贊 卒於六五〇 □ — (八) 禁 六五〇至六七九 — (九) 器弩悉弄 六七九至七〇三

(十) 棄隸蹠贊 七〇三卽位 — (十一) 乞黎蘇籠臘贊 卒於七五三 — (十二) 達悉籠臘贊 七五三卽位

(十三) 乞立贊 卒於七九七 — (十四) 足之煎 七九七至八〇四 — (十五) 某 八〇四至八一七 — (十六) 彝泰贊普可黎可足 八一七至八三八 — (十七) 達磨 三八至八四二 — (十八) 乞離胡 八四二卽位 (緡氏)

第三章 南詔之勃興及其對中國吐蕃之關係

自來暖國之人柔和。寒國之人慍悍。中國歷來邊患。皆屬北方民族。而南方民族無聞焉。蓋南方土脈肥沃。其土地所產。常足以滿足人民慾望。故對外競爭之心薄弱。氣候溫度太高。人民受其影響。身體易流於懦弱。腦